

215-UF/16
08.02.2016

AMUS
Asocijacija kompozitora
muzičkih stvaralaca
Obala Kulina Bana 22,
71 000 Sarajevo,
Bosna i Hercegovina

Taik Ganić
Đikin Sokak 22,
72270 Travnik,
Bosna i Hercegovina

PREDMET:

Prijava za korištenje sredstava Fonda za kulturne i socijalne namjene AMUS-a

Poštovani,

shodno obavijesti o mogućnosti korištenja sredstava Fonda za kulturne i socijalne namjene za članove AMUS-a, koristim priliku da prijavim projekat.

U prilogu:

1. Opis projekta
2. Podatak, potvrda o sufinansiranju
3. Izjava aplikanta
4. Saglasnost autora
5. Izjava o pominjanju AMUS-a u promotivnim materijalima

1. Opis projekta

Uvod

Bosanskohercegovačko društvo posljedice rata, nažalost, osjeća i 20-ak godina nakon završetka istog. Razorena infrastruktura, kako materijalne tako i duhovne vrijednosti, htjeli to priznati li ne, imaju ogroman utjecaj na društvom u cjelini. Svjesni činjenice da su svi segmenti društva, uključujući i muzičko stvaralaštvo, ugroženi i prinuđeni na grčevitu borbu za opstanak suočeni sa sve većim izazovima koje pred nas postavlja „moderno društvo“ odlučili smo se da pokušamo dati svoj doprinos u poboljšanju gore navedenog u oblasti u kojoj smatramo da možemo dati najveći doprinos. Riječ je o muzičkom albumu namjenjenom djeci starosne dobi do 10-ak godina.

Kratak opis projekta

Analizirajući BH muzičku scenu možemo zaključiti da trenutno djeluje veoma mali broj autora i izvođača koji punu pažnju pridaju pjesmama namjenjenim dječijem uzrastu. Svjedoci smo i gašenja nekih dječijih muzičkih festivala nakon decenija uspješnog egzistiranja. U programima domaćih RTV stanica također ovakvi sadržaji nemaju tretman kakav zaslužuju. Sve gore navedeno ponukalo nas je da pokušamo dati svoj doprinos u izmjeni takve situacije na bolje.

Namjera nam je da snimimo muzički album te po mogućnosti i video spotove namjenjene djeci uzrasta do 10-ak godina. Muzički album bi realizirala skupina autora, muzičara, glumaca, kulturnih radnika okupljena pod nazivom „Dječija planeta“ a isti bi nosio naziv „Bića iz priča“. Album je zamišljen kao konceptualni, te bi obradio teme upravo likova koji se spominju u pričama. Kroz autorske pjesme bi na inovativan i kreativan način djeci pokušali dočarati, približiti čarobni svijet priča, kako onih pisanih tako i onih iz usmene predaje, te ih zainteresirati da zajedno sa porodicom, kolegama pobliže upoznaju taj svijet.

Album bi sadržavao 5 ili 6 novih pjesama, što će zavisiti od prikupljenih finansijskih sredstva, te nekoliko ranije snimljenih pjesama kao bonus. Da bi dočarali o kakvom konceptu albuma je riječ navešćemo neke od naziva pjesama koje planiramo snimiti: Poter Hari, Strašilo, Vještica, Na kraju duge, E-man, Sirena žaba...te kao bonus pjesme: Ružno pače, Zmajeve krila do Brazila, Djeda mraz i paketići, Pinokio...

Naglašavam da album nije komercijalnog karaktera, dakle nije namjenjen za prodaju, nego nam je namjera da nakon snimanja album odštampamo te dostavimo na adrese obrazovno-odgojnih ustanova širom Bosne i Hercegovine (Obdaništa, Osnovne škole i sl.). Također pjesme bi ponudili na besplatno emitovanje BH RTV stanicama te bi iste, nakon izrade video spotova, objavili na internetu te ih tako učinili dostupnim široj javnosti.

Mišljenja smo da bi ovim muzičkim albumom i ovakvim pristupom, u smislu besplatnog ustupanja krajnjim korisnicima, dali značajan doprinos u mijenjanju svijesti o važnosti svih vidova edukacije kod najmlađe populacije našeg društva. Naravno, u svim promotivnim materijalima, AMUS bi bio naveden kao zaslužan za realizaciju projekta.

Ovima albumom obuhvaćeni su oblasti i kriteriji navedeni u Pravilniku za korištenje sredstava Fonda za kulturne i socijalne namjene kako slijedi (član 5. Stav 2):

- Muzičko stvaralaštvo (stimulacija domaćeg muzičkog stvaralaštva),
- Muzičko izdavačko stvaralaštvo (izdavanje promotivnih diskova...)

Iz gore navedenih razloga, nadamo se da će AMUS kao jedan od stubova BH muzičkog stvaralaštva prepoznati naše iskrene namjere te dati podršku ovom projektu.

Troškovnik

Uzimajući u obzir trenutnu situaciju u BiH sačinili smo troškovnik minimalnih troškova neophodnih za realizaciju gore navedenog.

Red.br.	Opis troška	Iznos u KM	Vlastita sredstva, rad	Donatori	Ukupno KM
1.	Studijsko snimanje pjesama, ugovor o djelu/faktura	3 000,00		3 000,00	3 000,00
2.	Snimanje i montaža video spotova, ugovor o djelu/faktura	3 000,00	1 500,00	1 500,00	3 000,00
3.	Komponovanje, tekst	3 000,00	3 000,00		3 000,00
4.	Dizajn, priprema, štampa i distribucija do krajnjeg korisnika, ostali trošak, ugovor o djelu/faktura	1 000,00		1 000,00	1 000,00
UKUPNO			4 500,00	6 500,00	10 000,00

Iz priloženog se da zaključiti da je za realizaciju potrebno cca. 10 000,00 KM od čega su sredstva donatora u iznosu 5 500,00 KM dok su vlastita sredstva i rad u iznosu 4 500,00 KM.

Svjesni smo činjenice da AMUS nije u mogućnosti da sam u cjelosti finansijski podrži projekat te Vas obavještavamo da ćemo sa istim projektom aplicirati i na Javne pozive objavljene kod Ministarstva kulture i sl.

Od AMUS-a očekujemo iznos 4.500,00 KM (četirihiljadepetstotina) odnosno shodno raspoloživim sredstvima uz dogovor. O toku realizacije projekta ćete biti blagovremeno obavješteni a po završetku istog dostavićemo i izvještaj sa prapatnom dokumentacijom.

Unaprijed zahvaljujem i radujem se saradnji.

Dinamika realizacije projekta

	Opis	Period realizacije 2016.			
1.	Komponovanje, pisanje teksta, pripreme za snimanje	mart / maj			
2.	Studijsko snimanje		maj / septembar		
3.	Dizajn, priprema, štampa, distribucija, promocija			septembar /oktobar	
4.	Izveštaj za AMUS				Oktobar

2. Podatak, potvrda o sufinansiranju projekta


U prilog gore navedenom dostavljam i sljedeću informaciju, podatak a vezano za dodatno finansiranje projekta, kako je u Pravilniku navedeno (član 5. Stav 5 a).

Iz troškovnika je vidljivo da će projekat, osim sredstvima AMUS-a, biti sufinansiran iz vlastitih sredstava a istim projektom ćemo konkurisati i na slične Javne pozive iz oblasti kulture.

3. Izjava aplikanta

Ja, Taik Ganić, kao aplikant u projektnom prijedlogu, se ovom izjavom obavezujem da ću projektni prijedlog realizirati u roku predviđenom za realizaciju (do 30. novembra) te o realizaciji istog dostaviti izvještaj o pravdanju troškova (do 31.decembra).

Taik Ganić



4. Saglasnost autora

Djela koja ćemo koristiti u realizaciji projekta su moja autorska djela te na ista posjedujem sva prava na korištenje. Ovom izjavom odobravam korištenje istih u svrhu realizacije projekta.

Taik Ganić



5. Izjava o pominjanju AMUS-a u promotivnim materijalima

Ovom izjavom se obavezujemo da će AMUS biti adekvatno predstavljen na svim promotivnim materijalima, štampanim te verbalnim nastupima, te da će logo Udruženja biti zastupljen na cjelokupnom promotivnom materijalu vezano za projekat.

Datum: 04.02.2016.

Aplikant Taik Ganić

